

Permiso di Minister Croes e promé reconocimiento husto di músiconan

ORANJESTAD-Aruba ta den garra caba di otro ambiente di carnaval, cu e acostumbrado pleito entre Milo Croes y e asociacion di músiconan.

Milo ta pretendé cu ningun hende of organizacion por organizá un evento di carnaval sin SU permiso, ya cu e stichting cu e mes a crea y den cual el a haci su mes presidente "vitalicio", tin tur monopolio riba asuntonan di carnaval.

ASOMA cu pa hopi aña ta hibando un lucha pa haña loke nan ta considerá husto, porfin a logra haña permiso e aña aki, despues di otro fayó grandi di SAC, pa organizá e "festivalnan" principal for di Minister di Husticia Rudy Croes.

Den tur sentido e decision di Minister Croes ta correcto ya cu nos músiconan, merecé esaki y mucho mas.

Minister Croes porfin di parti di gobierno, ta duna honor na un nucleo di músiconan cu e último añanan a bin ta superando tur pero tur expectativa posibel riba tereno musical.

Bon Dia Aruba ta tripi di bisa cu pa añanan largo, nos músiconan no a ricibí e reconocimiento ni e apoyo necesari-

rio riba cual nan tin derecho.

Pa cualkier proyecto musical, di un banda of un cantante, ta tuma lugar un lucha formal pa logra acumulá fondonan pa financjá e proyecto aki.

Den hopi caso un proyecto di nos artistanan, y aki nos kier men produccion di un CD of un cassette, ta laga hopi debe y e único consolacion pa e artista, ta e aceptacion cu cual público a ricibí e grabacionnan aki.

RECONOCIMIENTO

Músiconan en general ta un grupo neglighá y nan ta sigui dilanti a base di nan propio forza y inspiracion.

Ta tristo pa muestra cu ainda músiconan no ta hañando e reconocimiento cu nan merecé y cu nan tin derecho ariba.

Ultimo diez añanan, músiconan local a conocé un adelanto enorme y practicamente pa e periodo di carnaval, ningun cancion "extranhero" ta logra penetrá riba e mercador local pa motibo di e tremendo calidad cu localnan ta producí.

E último tres lunanan tambe a iniciá otro fenómeno, ora cu practicamente e fiesta di Pasco a keda animá pa



Los Pimentosos ta un di e tantísimo agrupacionnan cu nos tin riba nos isla

produccion local y caminda serca di 50 cancion nobo a keda presentá den e periodo aki.

No ta wega y esaki ta bolbe muestra e motivacion di nos hendenan. Si analizá cuanto grupo tabatin den e periodo di Pasco aki, caminda hobennan ta distraé nan mes den un forma positivo, anto nos mester bisa cu nan merecé un recompensa.

Si enberdad nos ta sincero ora cu nos papia di combatimento di droga, nos tur mester apoyá nos hobennan ora nan ta tene na mes "be-

zig" den e forma correcto aki.

AYUDO

Músiconan tin mester di ayudo y sigur nan no por pasa nan vida ta producí e nivel di música cu nan a bin ta producí principalmente pa carnaval, anto practicamente no ta mira nada a cambio.

Mester crea un fondo for di cual músiconan por haña un ayudo pa cubri cierto porcentahe di nan gastonan na momento cu nan tin un of otro proyecto pendiente.

Ta bira tempo tambe pa gobierno invertí den su propio hendenan y duna un dano na un lucha sano, cu sigur ta cuadra den e forma u gobierno kier lucha contra droga.

Ta conocí cu UNOCA ta yuda den cierto proyectonan musical pero tin ora e exigencianan t'asina grandi y pa falta di un persona capacítá cu por producí un rapport cu UNOCA ta exigí, músiconan ta keda si busca e ayudo aki.

E decision di Minister di Husticia, Rudy Croes riba e petieion di ASOMA pa organizá festivalnan di calypso y roadmarch, tumba grandi y hubeinil, ta uno correcto y cu sigur ta yena e músiconan cu satisfaccion.

A bira tempo pa nos invertí den nos propio hendenan y sigui duna nan e empuhe tan necesario cu nan tin mester. □